

COMUNE DE COSSOINE

Provìntzia de Tàtari

Registru generale n.

**ORDINÀNTZIA DE SU SETORE ORDINÀNTZIAS DE SU SÌNDIGU
N.3 DE SU 11.05.2023**

Ufitziu: VIGILE URBANU

Ogetu: Prescritziones contra a su fogu de su 2023

S'annu duamìgiabintitres sa die ùndighi de su mese de maju, su Sìndigu

BIDA sa Deliberatzione de sa G.R. 17/53 de su 04.05.2023 de sa Regione Autònoma de sa Sardigna cun sa cale sunt istadas agiornadas, cunforma a sa lege 21 de santandria de su 2000, n.353, sas Prescritziones Regionales Contra a su fogu – de sos tres annos 2023-2025, finalizadas a sa preventzione e a sa gherra ativa contra a sos fogos;

BIDU s'allegadu a sa deliberatzione de sa cale subra “Prescritziones de cuntrastu a sas atziones chi detèrminant, puru solu a manera dàbile, 1° inghitzu de fogu in su buscu cunforma a s'art. 3, comma 3, de sa Legge 21 de santandria de su 2021, n.353 e de sa lege regionale n.8 de su 27 de abrile de su 2016”;

RELEVADA sa presèntzia, peri sas manchinhas de sas istradas pùblicas chi sunt in su territòriu de Cossione, de ruu e de arga chi nd'essint dae sas propriedades privadas, de materiale sicutu de genia difente e de àreas medas de propriedade privada brutas de erva, arga e/o refudos diferentes e materiales chi si podent atzèndere;

CONSIDERADU chi custas situatziones, a fora de minimare sa dignidate de sa bidda, sunt puru unu perìgulu grae pro s'igiene, sa salute e s'incolumidade privada, pùblica e de s'ambiente, ca favoressent sa crèschida de presèntzia de sòrighes (origina e cadenales, etz....), ismànniant cun su tempus cardu de s'istiu, s'arriscu de fogos cun dannos dàbiles a pessones, animales e cosas;

BIDA sa netzessidade de adotare pruvidimentos urgentes pro amparare sa salute e s'incolumidade privada, pùblica e de s'ambiente;

CONSIDERADU chi su tèrmine ùrtimu intro de su cale custos traballos devent èssere fatos est apostivigadu a sa data de su 01.06.2023;

BIDOS sos artículos 50 e 54 de su T.U.EE.LL., aprovadu cun D.Lgs. n. 267/2000;

BIDU su D.L. n.50/2003, mudadu in Lege su 15.05.2003, cun su cale s'integrat su Testu Ùnicu de sos Entes Locales n.267/2000 insertende su comma 1 bis as'art. 7 bis, previdende una santziona in

dinari dae èuros 25,00 a èuros 500,00 pro sa violatzione de sos Regulamentos Comunales e Provintziales e de sas Ordinàntzias de su Sìndigu e Presidente de sa Provìntzia;

ÒRDINAT

Intro e no a fora de su 01 de làmpadas de su 2023 a sos proprietàrios e a sos allogaderis de terrinos chi apartenint a cale si siat categòria de su terrinu, est fatu òbligu de:

- Innetare dae su ruu, dae su fenu, materiale sicutu de cale si siat natura, s'àrea a curtzu a istradas pùblicas, pro una fàscia de a su mancus tres metros, incluidas sas istradas comunales e privadas a imputu pùblicu;
 - Totu sos proprietàrios e/o allogaderis de terrinos agrícolos devent ammanniare una doa contra a su fogu, a inghìriu de sos fràigos de campagna e a sos cungiados destinados a retzire bestiàmene, larga non prus pagu de 10 metros.
 - Sos proprietàrios e/o allogaderis de cultura de tzereales devent ammanniare una doa arada larga a su mancus 3 metros, perimetrale a sos fundos superiores a sos 10 ètaros aunidos e semper e cando in sos lados cara a s'istrada.
 - Sos proprietàrios o sos allogaderis de sos terrinos impitados pro sa produtzione de colturas agràrias, lacanàrgios cun àreas de buscos definidas a s'art. 28 (*Allegadu Del. G.R. n./J/7 de su 23 de abrile 2020*), devent realizare a parte de intro de su terrinu semenadu, una doa traballada larga a su mancus 5 metros, peri su perìmetru lacanàrgiu cun su buscu.
 - A manera anàloga puru sos proprietàrios e/o allogaderis de terrinos aposentados in sas àreas urbanas perifèricas, devent ammanniare peri su perìmetru de làcana, doas netas dae cale si siat materiale sicutu largas non de mancu de 5 metros.
 - Totu sos proprietàrios o afituàrios o allogaderis de terrinos aposentados in su perìmetru urbanu e in s'oru de sa bidda, devent providire a nde segare s'erva e su fenu e a s'eliminatzione de s'arga dàbile;
 - Totu sos tzitadinos nde devent segare s'erva a curtzu a sas domos issoro, peri sos muros de cresura relativos e sas fatzadas de sos fràigos;
 - Gestione agrícola e “selviculturale” de s'arga e de sos resuzos de sas colturas;
1. Sa pràtiga agrícola a manera istrinta e “selviculturale” de brusiadura de fenu, de resuzos de colturas e “selviculturali”, de pàsculos nudos, cun matas o àrvures, e puru de terrinos agrícolos chi non sunt semenados a manera temporànea, est cunsentida:

in su perìodu dae su 15 de maju a su 30 de làmpadas e dae su 15 de cabudanni a su 31 de santugaine, solu a sos sugetos chi ant s'autorizatzione intregada dae s'Ispetoradu Forestale cumpetente pro territòriu, impitende su modellu apòsitu “**Allegadu C**”;

in su perìodu dae su 1° de trìulas a su 20 de trìulas e dae su 15 de austu a su 14 de cabudanni, solu in sos terrinos chi si podent abbare, a sos sugetos chi ant s'autorizatzione intregada dae s'Ispetoradu forestale cumpetente pro territòriu;

pro superfitzies non superiores a 15 ètaros, in su perìodu tra su 1° de cabudanni e su 31 de santugaine, a sugetos sìngulos o assotziados chi, pro mèdiu de sos Sìndigos de sos <comunes cumpetentes pro territòriu, presentent progetos ispetzìficos de interbentu ligados a manera istrinta a sa pràtiga agrìcola e “selviculturale”. Sos Ispetorados forestales ant a dèvere retzire sos progetos a su mancus 20 dies in antis de su perìodu de interessamentu. Sos progetos sunt ammaniados dae sos Ispetorados matessi chi averìguant s'idoneidade e sa sustenibilitàde, puru in relata a sa situatzione de su tempu e de su clima, e nd'autorizant s'acumprida.

2. Sa brujadura de s'arga e de sos resuzos de sas colturas in sas risàias, in su perìodu dae su 15 de cabidanni a su 31 de santugaine, est cunsentidu solu a sos sugetos chi ant autorizatzione intregada dae s'Ispetoradu forestale cumpetente pro territòriu. In sa matessi autorizatzione ant a èssere giutas torra àteras conditziones e prescritziones ispetzìficas.
3. Su corpus forestale e de vigilàntzia ambientale sustenet e acumprit a sas atzioni de brusiadura cun sa punna de sa tutela passiva dae sos fogos de sos benes de buscos e campagnas, cunforma a cantu prevìdidu dae su Pianu Regionale Contra a sos fogos.
4. Sa brusiadura pro punnas agrìcolas e “selviculturale” est semper e cando subordinadu, in cale si siat perìodu de s'annu, a s'acumprida de doas de isolamentu largas a su mancus 5 metros, pro istransire s'istèrrida de su fogu.
5. Cunsiderada s'andanta de su tempus in s'istajone, cun Determinatzone de su Diretore generale de sa Protetzione tzivile, publicada chi siat in su giassu web de sa RAS (www.regionesardegna.it), sos perìodos indicados in subra podent èssere mudados.
6. Sa pràtiga agrìcola e “selviculturale” est sugeta puru a sa normativa chi sight:
 - a. dispostziones regionales pro 1' acumprida de su regime de conditzionalidade solu pro sas àreas a terrinu de semenare;
 - b. pianos de gestione de su SIC (giassos de importàntzia comunitària) de sas ZPS (zonas de amparu ispetziale), individuadas a manera respetiva cunforma a sas diretivas 92/43/CEE e 79/409/CEE;
 - c. an. 11, comma 3, lìtera g), de sa lege cuadru subra de sas àreas amparadas de su 6 de nadale de su 199 l. n.394, integradu dae s'art.2, comma 28 , lìt. a) e b), de sa lege 9 de

nadale de su 1998, n.426 e aggiornadu a su D.L. 262/2006, chi impèdummat s'impitu de fogos in logu abertu in sas àreas in ue b'at giardinos pùblicos, a fora de prescritziones differentes de sos regulamentos.

INFORMAT

Chi sos chi no ant a osservare cesta ordinàntzia ant a èssere punidos cun s'aplicazione de sas santziones chi sighint, a fora de atzioni penales dàbiles pro dannos cajonados a àtere:

Sas inosservàntzias a sas Prescritziones Regionales ant a èssere punidas a norma de s'artìculu 10 de sa Lege 21 de santandria de su 2000, n. 353, chi previdit s'aplicazione de sa santziona amministrativa de su pagamentu de una summa no inferiore a èuros 5.000,00 e non superiore a èuros 50.000,00;

-Pro sas violatziones de sas dispositizones de cesta ordinàntzia, s'aplicat sa santziona amministrativa in dinari dae 25 èuros a 500 èuros, cunforma a s'art. 7 bis de su d.lgs 267/2000, introduidu dae su d.l. n.50/2003 e mudadu in lege n. 116/2003;

Sos proprietàrios e sos allogaderis de sos terrinos mentovados in subra ant a èssere cunsiderados responsàbiles de sos dannos chi si diant averiguare pro su discuidu e atrivimentu.


INCÀRRIGAT

Sa polìtza munitzipale, sa Cumpangia Barrantzellare, sas Fortzas de s'Òrdine e totu sos sugetos incarrigados de sa Vigilàntzia Ambientale de su controllu de su respetu de cesta e de sas Prescritziones Regionales Contra a sos fogos, cuntènnidas in s'allegadu a sa deliberatzione de sa G.R. 15/1 de su 02.05.2022.

Chie si siat bidat unu fogu lu devet sinalare, a manera chi potat èssere organizada s'òpera de istudadura netzessària, telefonende a su nùmeru birde 1515 de su Corpu Forestale e de Vigilàntzia Ambientale (C.F.V.A.), a su 115 de sos Vigiles de su Fogu, a su 113 de sa Politzia de Istadu o a su 112 de sos Carabineris.

Lèghidu e sutascritu cunforma a sa lege.

SA SÌNDIGA
F.du



ATESTADU DE PUBLICATZIONE

De s'ordinàntzia istèrrida in subra oe est comintzada sa publicatzione a s'Albu Pretòriu pro 15
dies sighidas dae a su

SU SEGRETÀRIU COMUNALE
F.du

Còpia cunforme a s'originale



SA SÌNDIGA